

Komm' lieber Mau ond lach,
wenn d'Renzin neijuckt in dr Bach.

Fischer:innenspruch 2022

Feif Johr lang hot se sich des Reacht erkämpft,
mit ihrem fast scho zähgoschiga Temperament.

Do braucht's Nerva und Ausdauer, des ka I ui saga,
vo Beginn an, hau I versucht des mitzomtraga.
Erscht hot'se 's probiert auf freundlichen Wegen,
und G'schprächla g'führt, doch ausblieba isch der Delegiertensegen.

Dene Freimaurer hot ma au Subventiona 2017 weggnomma,
a Freindin isch auf dia Idee mit der Antidiskriminierungsstelle komma.
Termine mit der der Gleichstellungsbeauftragta hand au nix bracht.
A zwoiter Antrag, d'Bachfischer hand goschat oder glei' bled g'lacht.

In dr Freinacht 2018 war a Fanclub dann aktiv.
Fria um Viere, dia Stadt im Dämmereschlaf noch schlief,
hot jemand a Fischerkönigin aus Holz an dr Bach na g'schtellt und so sche verziert
mit Spriachla ond Zitate und humorvoll an'prangert den traditionella Mief
Mei, dia holde Holzfischerkönigin – dia war frei glei me weg.
Bis heit' woiß koiner, wer hot dia verschteckt.?

Diskussiona hot's geaba, no grad viel
Neijucka war jetzt oberstes Ziel.
G'schimpft hand viele, Sexismus rauf ond runter,
des blede Weib, des tauchat mir halt unter.

Derweil hot's Konnex a Banner nausg'häng, auf dem g'standa war
D'r Mau isch au Frau, mit am Mäschele im Hoar,

Dia Bräcklein isch dann Weihnachten 2018 mit dem Fall vertraut,
hot starkt auf ihr Ausdauer und onser Verfassung aufbaut,
mit dera Berliner Gosch, ho dia kämpft mit all ihre Mittel,
hot g'wonna für Christiane beim erschta Mol scho dr Siegertitel.

Viele Fischer hand sich dann echt bled benomma,
und au die Berufung isch dene it guat bekomma.
Deutschlandfunk, Quer, Guardian, Bayrische SZ, Bayern TV
Dia Fischer im Interview wirkat it grad b'sonders schlau.
Während Christiane Renz weiter strategisch und unbeirrt,
konsequent ihren Kampf in den Medien zielgerichteter führt.

Parallel hot sich a Aktionsgruppe g'fonda
Hand sich unter FischersFritzi mitanand verbonda.
Bei de Lutzis im Garta, hot ma kräftig g'schafft und dichtet,
ond dann am Fischer:innentag, des Männeridyll vernichtet.
„Solang der Schilder Bürgermoister sei,
sott jucka doch koi Weib it nei.“
Dia Aussag' hot dia Bande richtig inspiriert,
G'schrieba schnell an Text um danach ungeniert
im Bach ganz lässig rumstolziert, dabei au no as Schmotzerliadle g'sunga.
bis plötzlich dann isch Polizei mit Hund akumma.

Memminger Statuen in bunt gehüllt,
ma hot sich a bissle wia auf'm CSD dabei g'fühlt.
Dr Fischerbua vom Fischerbronna im goldenen Gewand,
für Hartg'sottene Fischer isch des a Gender-Schand.
Traditionalischta hand g'schria: „Selle wia ihr sollat verracka“
Zom Glück dond mir ons vor selle Deppa niemals verschtecka.

Weltpresse war vor Ort, TV, Social Media und was wois i no, war im Land
Medial isch der Fischertag jetzt no mehr bekannt.

A Interview mit der Regisseurin vom Berlinale Film
Persönlich für's Konnex und Fritz Fischer war d'rin.
Petunya ließ grüßen Christiane und deren Gefolge
Gott existiert, das Anliegen schien ihr sehr holde.
Herr Lindl – der Augsburger Traditionsgelehrte,
zu guter Letzt, dann noch die Memminger gründlichst belehrte,
der Fischertag erfülle gar it dia Kennzoicha von einer Tradition,
dia Memminger Seel, erlitt Spott und Hohn.

A Kübelesbiabie für Christiane sott halt no komma.
Hass ond Schmääh seit kurzem etwas weniger vernomma,
Bloß no Genderhasser, dia wend parka auf de Frauaparkplätz,
ond „oba ohne“-fische soll wera jetzt a Bachfischer G'setz.
Sexismus und blede Sprich raushaua, so wia gega onsre Fuaßballfrau,
doch dene ihran Spruch, sott ma dene Seckl entgegahaua:
„Mir hand koine Oier, wir hand Pferdeschwänz“
Ond mir in Memminga - mir hand unser Chrischtiane Renz.

Dia braucht koin Frauabonus und koi Ausnahmereacht.
Dr Bach isch jetzt frei – für jegliches G'schlecht.
Mögen nun die Besten eine dicke Forelle gewinnen
Auf geht's Kübelesvolk und Fischer:innen